

舊

唐

書

一一

唐書志卷第十九

劉 昫 等修

聞人詮校刻沈桐同校

十道郡國

地理二

河東道三

河北道四

山南道五

河東道

河中府 隋河東郡武德元年置蒲州治桑泉縣領河東桑泉猗氏
虞鄉四縣二年置蒲州摠管府管蒲虞泰絳邵澮六州三年移蒲治
河東縣依舊摠管府其年置溫泉縣九年又置都督府管蒲虞芮邵
泰五州仍省溫泉縣其年罷都督府貞觀八年割號州之永樂來屬
十七年以廢虞州之安邑解縣廢泰州之汾陰來屬開元八年置中
都改蒲州為河中府其年罷中都依舊為蒲州又與陝鄭汴懷魏為
六雄十二年昇為四輔天寶元年改為河東郡乾元元年復為蒲州
割安邑屬陝州三年四月置河中府析同州之朝邑於河西鹽坊置

河西縣來屬元年建卯月又爲中都元和三年復爲河中府 舊領縣五戶三萬六千四百九十九口十七萬三千七百八十四 天寶領縣八戶七萬八百口四十六萬九千二百一十三元和領縣十一在京師東北三百二十四里去東都五百五十里

河東 隋縣州理所開元八年分置河西縣其年罷中都乃省乾元三年復置 河西舊朝邑縣屬同州管長春宮乾元元年置河中府割朝邑來屬改爲河西縣以鹽坊爲理所 臨晉 隋分猗氏置桑泉縣武德三年分置溫泉縣九年省溫泉併入桑泉天寶十三年改爲臨晉縣 解 隋虞鄉縣武德元年改爲解縣屬虞州蒲州別置虞鄉縣貞觀十七年省解縣併入虞鄉二十二年復析置解縣屬蒲州猗氏 漢縣古郇國也 虞鄉 漢解縣地後魏分置虞鄉縣貞觀十七年省解縣併入虞鄉縣二十年復置解縣省虞鄉天授二年復分解縣置虞鄉縣 永樂 武德元年分芮縣置屬芮州九年廢芮州改屬鼎州貞觀八年改屬芮州又割屬虢州神龍元年復來屬

寶鼎

漢汾陰縣隋屬泰州貞觀十七年廢泰州縣來屬開元十一

年玄宗祀后土獲寶鼎因改爲寶鼎

龍門

漢艾氏縣後魏改爲龍

門武德元年於縣置泰州領龍門萬泉汾陰四縣貞觀十七年廢泰

州及芮縣以龍門萬泉屬絳州汾陰屬蒲州

聞喜

漢縣隋爲桐鄉

縣武德元年分置聞喜縣

萬泉

武德三年分稷山界於薛通城置萬

泉縣屬泰州州廢入絳州後又隸河中府

絳州

隋絳郡武德元年置絳州摠管府管絳潞蓋建澤沁韓晉呂

澮泰蒲虞芮邵十五州絳州領正平太平曲沃聞喜稷山五縣三年

廢摠管府其年以廢北澮州之翼城置翼城縣領翼城絳小鄉三縣

武德元年改爲澮州二年改爲北澮州四年州廢三縣併入絳州置南

絳州又置絳縣

曲沃

漢絳縣地後魏置曲沃縣

絳

漢聞喜縣後

魏置南絳州又置絳縣

稷山

後魏高涼縣隋改名稷山

垣

隋

縣義寧元年置邵原領垣王屋又置清厘臺城四縣武德元年改爲

邵州二年又置長泉縣五年廢臺城九年省邵州省清厘入垣縣王

屋屬懷州垣屬絳州 襄陵 後魏擒盛縣改爲襄陵取漢舊名屬

晉州元和十四年屬絳州

晉州 隋臨汾郡義旗初改爲平陽郡領臨汾襄陵岳陽隰氏楊五縣其年改楊縣爲洪洞武德元年改爲晉州分襄陵置浮山縣分洪洞置西河縣三年置摠管府管晉絳沁呂四州移治白馬城改浮山爲神山縣貞觀六年廢都督十二年移治所於平陽古城十七年省西河縣以廢呂州之霍邑趙城汾西三縣來屬天寶元年改州爲平陽郡乾元元年復爲晉州元和十四年割襄陵屬絳州太和元年改屬河中府 舊領縣七戶二萬一千六百一十七口九萬七千五百五十一 天寶領縣九戶六萬四千八百三十六口四十二萬九千二百二十一 元和領縣八 在京師東北七十五里至東都七百三十九里 臨汾 漢平陽縣隋改爲臨汾貞觀十七年省西河縣併入臨汾 洪洞 漢楊縣至隋不改義寧元年改爲洪洞取縣北嶺名 神山 武德二年分襄陵置浮山縣四年改爲神山以縣東南羊角

山神見爲名 岳陽 後魏安澤縣隋改爲岳陽 霍邑 漢縣後

漢改爲永安隋於此置汾州尋改爲呂州領霍邑趙城汾西靈石四

縣貞觀十七年廢呂州以靈石等三縣來屬以靈石屬汾州 趙城

國初分霍邑縣置 汾西 後漢汾西郡隋廢爲縣屬呂州隋末陷賊

武德初權於今城南五十里申村堡置貞觀六年移於今所

真氏 漢猗氏縣地後於古猗氏縣城南置真氏

隰州下 隋龍泉郡武德元年改爲隰州領隰川溫泉太寧石樓四

縣二年置撫管府領隰中昌南汾東和西德六州三年又置北隰州

屬焉貞觀元年省中昌西德北隰四州又以廢昌州蒲縣來屬仍督

隰南汾東和三州三年廢都督府又以廢東和州永和县來屬天寶

元年改爲太寧郡乾元元年復爲隰州 舊領縣六戶八千二百二

十二口三萬八千三百九十五 天寶戶一萬九千四百五十五

在京師東北九百六里至東都八百八十里 隰川 州所理漢蒲子

縣地隋爲隰川縣 蒲 漢縣武德二年置昌州領蒲介城常武昌

原四縣貞觀元年省昌州及昌原仵城常武三縣以蒲屬隰州 大寧
漢比屈縣地隋爲仵城武德二年置中州於隋大寧故城因改名大
寧貞觀元年廢中州及大義白龍二縣以大寧隸隰州 永和 漢
狐讞縣隋爲永和武德二年移治於仙芝谷西屬東和州又分置樓
山縣貞觀元年廢東和州及樓山縣以永和隸隰州 石樓 漢土
軍縣隋改爲石樓武德二年於縣置西德州領長壽臨河石樓三縣
貞觀元年廢西德州省長壽臨河二縣以石樓屬東和州二年又省
東和州以石樓來屬 溫泉 隋新城縣武德二年分置溫泉縣仍
置北溫州領溫泉新城高堂三縣屬隰州摠管府貞觀元年省北溫
州及新城高唐二縣以溫泉來屬 汾州上 隋西河郡義旗初依舊
領隰城介休孝義平遙四縣其年割介休平遙二縣屬介休郡武德
元年以介休郡爲介州西河郡爲浩州三年改浩州爲汾州仍割并
州之文水來屬貞觀元年省介州以介休平遙二縣來屬文水還并
州十七年以廢呂州之靈石來屬天寶元年改爲西河郡乾元元年

復爲汾州 舊領縣四戶三萬四千九口十萬六千三百八十四

天寶領縣五戶五萬九千四百五十口三十二萬二百三十三 去

京師一千二百六里東都九百三十七里 西河 漢美稷縣隋爲

隰城縣上元元年九月改爲西河縣 孝義 漢中陽縣後魏曰朮

安貞觀元年改爲孝義 介休 漢縣武德元年於縣置介州貞觀

元年州廢以介休平遙屬汾州 平遙 漢平陶縣後魏廟諱改陶

爲遙武德屬介州州廢來屬 靈石 隋分介休縣置屬呂州州廢

來屬 慈州 元魏曰南汾州隋改爲耿州又爲文成郡武德元年

改爲汾州五年改爲南汾州八年改爲慈州以郡近慈烏戍故也

舊領縣五戶五千二百四十五口二萬二千六百五十一 天寶戶

一萬一千六百一十六口六萬二千四百八十六 在京師東北六百

八十三里去東都七百二十七里 吉昌 隋縣 文城 元魏曰

作城縣隋改爲文城顯慶三年移作城縣東北文城村置 昌寧

漢臨汾縣地後魏分置太平縣又分太平置昌寧縣 昌寧 義寧

元年分作城縣置平昌縣貞觀元年改為呂香因舊鎮為名上元三年移治所於故平昌府南置今縣是也 作城 後魏置縣取鎮戌名也

潞州大都督府 隋上黨郡武德元年改為潞州領上黨長子屯留

潞城四縣二年置摠管府管潞澤沁韓蓋五州四年分上黨置壺關縣貞觀元年廢都督府八年置大都督府十年又改為都督府貞觀十七年廢韓州以所管襄垣等五縣屬潞州開元十七年以玄宗歷職此州置大都督府管慈儀石沁四州天寶元年改為上黨郡乾元元年依舊為潞州大都督府 舊領縣五戶一萬八千六百九十口八萬三千四百五十五舊於襄垣置韓州領縣五戶七千一百七口三萬二千九百三十六 天寶領縣十戶六萬八千三百九十一口三十八萬八千六百六十 在京師東北一千一百里至東都四百八十七里 上黨 漢壺關縣隋分置上黨州所治壺關武德四年分上黨置治於高望堡貞觀十七年移治進流川 長子 漢縣 屯留

隋舊武德五年自霍壁移於今所 潞城 古邑隋特置潞城縣

襄垣 隋縣武德元年於縣置韓州領襄垣黎城涉銅鞮武鄉五縣

又割并州之榆社來屬三年置甲水縣仍以榆社屬榆州六年割沁

州之銅鞮來屬九年省甲水縣貞觀十七年廢韓州以襄垣等五縣

隸潞州 黎城 舊川陵縣隋改曰黎城州涉 漢隋縣屬韓州廢來

屬 銅鞮 漢縣隋屬韓州武德元年屬沁州三年分置甲水縣五

年移治觥水堡六年移於今所屬韓州省甲水縣韓州廢屬潞州

武鄉 漢垣縣後魏曰沮城移治於南亭川改爲鄉縣屬韓州州廢

屬潞州則天加武字神龍年去武字復爲鄉縣後又加武字

澤州上 隋長平郡武德元年改爲蓋州領高平丹川陵川又置蓋

城四縣又於濩澤縣置澤州領濩澤沁水端氏三縣三年於今理置

晉城縣六年廢建州自高平移蓋州治之八年移澤州治端氏九年

省丹川蓋城貞觀元年廢蓋州自端氏縣移澤州於今治天寶元年

改澤州爲高平郡乾元元年復爲澤州

舊領縣六戶一萬六百六十口四萬六千七百三十二 天寶戶二萬七千八百二十二口二十五萬七千九十 京師東北一千三十里至東都六百六十七里 晉城 漢高都縣隋改爲丹川武德元年移丹川於源澤水北屬蓋州三年於古高都城置晉城縣屬建州六年廢建州縣屬蓋州九年省丹川縣貞觀元年廢蓋州縣屬澤州端氏 漢縣武德八年移澤州於此縣貞觀元年又移於晉城 陵川漢泫氏縣隋改陵川武德初屬蓋州貞觀元年隸澤州 陽城 隋漢澤縣武德元年於縣置澤州八年移州治於端氏天寶元年改爲陽城 沁水 元魏置永安縣隋改爲沁水屬蓋州州廢來屬 高平 漢泫氏縣地武德元年於縣置蓋州領高平丹川陵武蓋城四縣貞觀元年廢蓋州來屬

沁州下 隋上黨郡之沁源縣義寧元年置義寧郡領沁源銅鞮綿上仍分沁源置和川凡四縣武德元年改爲沁州二年分沁源置招遠縣三年省招遠縣六年以銅鞮屬韓州天寶元年改沁州爲陽城

縣乾元元年復爲沁州 舊領縣三戶三千九百五十六 口一萬六千一百七 天寶戶六千三百八口三萬四千九百六十三 在京師東北一千二十五里去東都六百三十五里

沁源 漢穀遠縣州所治後魏改爲沁源 和川 義寧元年分沁

源置綿上隋分介休之南界置綿上縣

遼州 隋太原郡之遼山縣武德三年分并州之樂平和順平城石

文四縣置遼州治樂平其年置義興縣六年自樂平移於遼山仍以

石艾樂平二縣屬受州省義興縣以廢榆州之榆社平城二縣來屬

八年改遼州爲箕州先天元年又改爲儀州天寶元年改爲樂平郡

乾元元年復爲儀州中和三年八月復爲遼州 舊領縣四戶四千

三百六十五口八萬八千六百四十 天寶戶九千八百八十二口

五萬四千五百八十 在京師東北一千四百五十九里至東都七百九

十七里 遼山 漢阻縣地魏改轅陽縣隋改遼山縣屬并州武德三年

屬遼州榆社 晉武鄉縣義寧元年分置榆社縣武德三年於此置

榆州割并州平城來屬仍置偃武縣六年廢榆州及偃武縣以平城榆社屬遼州

和順

漢治縣地隋爲和順縣武德初屬并州三年改爲遼州平城

隋縣武德初屬并州三年改爲遼州

北

京太原府

隋爲太原郡武德元年改爲并州總管領晉陽太原榆

次太谷祁陽直壽陽孟樂平交城石艾文水遼山平城烏河榆社十

六縣其年置清源縣仍以榆社屬韓州三年廢總管其年置沁陽仍

以孟壽陽二縣置受州治孟縣樂平遼山平城石艾四縣置遼州治

樂平太谷祁二縣置太州治太谷仍以文水屬沁州四年又置總管

管并介受遼太榆沁七州其年改爲上總管五年又改代石二總管

其年改上總管爲大總管六年又管朔州總管仍割汾州之文水來

屬其年廢太州以太谷祁二縣來屬七年改爲大都督府其年置羅陰縣

仍省陽直縣改汾陽爲陽曲縣又以文水置汾州貞觀元年省烏河

羅陰二縣又以文水來屬八年以廢受州之壽陽孟樂平石艾又割

順州之燕然凡五縣來屬督并汾箕嵐四州十四年廢燕然縣

龍

朔二年進爲大都府天授元年置北都兼都督府開元十一年又置
北都改并州爲太原府天寶元年改北都爲北京 舊領縣十四戶
九萬七千八百七十四口二十萬九百三十六 天寶領縣十三戶
十二萬八千九百五十七口七十七萬八千二百七十八 在京師東北一
千三百六十里至東都八百八里 太原 漢晉陽縣隋文又移於
州城內古晉陽城置今州所治 晉陽 隋新移於州內 太谷
隋縣武德三年置太原州六年州廢以大谷隸屬并州 文水 隋縣武德
三年屬汾州六年屬并州七年又屬汾州貞觀初還屬并州天授元
年改爲武興縣以天后鄉里縣與太原晉陽並爲京縣神龍九年依
舊爲文水 榆次 漢縣 孟縣 隋縣武德三年置受州領孟壽
陽二縣六年移受州於壽陽貞觀八年省受州孟復屬并州 清源
隋於古梗陽城置清源縣以水爲名 交城 隋分晉陽縣置取縣
西北古交城爲名初治交山天授元年移治却波村先天二年於故
縣分置靈川縣開元二年後省 陽曲 隋陽直縣武德三年分置

汾陽縣七年省陽直縣改汾陽爲陽曲縣仍移治陽直廢縣其年又分置羅陰縣貞觀元年省十七年又省燕然併入壽陽隋舊縣武德三年屬遼州六年移受州於此領壽陽孟二縣其年又割遼州之樂平石艾二縣來屬貞觀八年廢壽州以所管四縣隸并州廣陽漢上艾縣後漢改爲石艾縣武德三年屬遼州六年屬受州八年州廢屬并州天寶元年改爲廣陽樂平隋縣武德三年於縣置遼州六年移遼州治於箕州以樂平屬受州州廢縣來屬祁漢縣至隋不改武德三年屬太州州廢來屬

代州中都督府隋爲鴈門郡武德元年置代州摠管管代欣蔚三州代州領鴈門繁峙崞五臺四縣五年廢摠管六年又置管代蔚州四州貞觀四年又督靈州六年又督順州十二年省順州以懷化縣來屬今督代欣蔚朔靈五州高宗廢懷化縣證聖元年置武延縣天寶元年改爲鴈門郡依舊爲都督府乾元元年復爲代州舊領縣五戶九千二百五十九口三萬六千一百三十四天寶戶二萬一千

二百八十口十萬三百五十 在京師東北一千五百五十里去東都

一千二百二十三里 鴈門 漢廣武縣隋爲鴈門縣 五臺漢慮

帑縣隋改爲五臺 繁峙 漢縣東魏置廓州又廢 崞漢縣 唐

林 證聖元年分五臺崞縣置延武縣唐龍元年改唐林

蔚州 隋鴈門郡之靈丘縣武德四年平劉武周六年置蔚州寄治

并州陽曲縣仍置靈江飛狐二縣七年寄治代州繁峙縣八年又寄

治所州秀容之北恒州城貞觀五年移於今治天寶元年改爲安邊

郡至德二年九月改爲興唐郡乾元元年置蔚州 舊領縣二戶九

百四十二口三千七百四十八 天寶領縣三戶五千五十二口二

萬九百五十八 在京師東北一千八百一十里去東都一千六百四

十里 靈丘 隋縣隋末陷賊寄治陽曲自此隨州寄治貞觀五年

移於今所 飛狐 隋縣隋末陷賊武德六年復置寄治於易州遂

城縣貞觀五年移治於今所 興唐 隋安邊縣至德二年改爲興

唐 所州 隋樓煩郡之秀容縣義旗初置新興郡領秀容一縣武德

元年改爲欣州四年又置定襄縣天寶元年改爲定襄郡乾元元年復爲欣州舊領縣二戶四千九百八十七口一萬七千一百三十天寶戶一萬四千八百六口八萬二千三十二在京師東北一千三百八十里去東都一千六十三里秀容漢汾陽縣地治郭下隋朝自秀容故城移於此因改爲秀容縣定襄漢陽曲縣地後漢末移陽曲於太原界置乃於陽曲古城置定襄縣復廢武德四年分秀容縣復置

嵐州下隋樓煩郡之嵐城縣武德四年平劉武周置東會州領嵐城縣又以北和州之太和縣來屬其年分嵐城置合會豐潤二縣仍自故郡城移嵐州於廢東會州置嵐州舊領岢嵐一縣縣移舊嵐州其年又以北管州之靜樂縣來屬七年置臨津縣九年省合會岢嵐大和三縣貞觀元年改臨津爲合河三年又置大和縣八年又省天寶元年復爲樓煩郡乾元元年復爲嵐州

舊領縣三戶二千八百四十二口一萬一千五百四十一天寶領